



Concierto "Un Tributo na Carlos Santana" tabata mahestraal

Musiconan local ta demostra
nan talento den un Cas di
Cultura yen

DIAMARS anochi na Cas di Cultura a tuma lugar e Concierto "Un Tributo na Carlos Santana". E idea aki a bin di Ash Hirdaramani kende a aserca Robert Jeandor pa hunto organisa e concierto aki cu ayudo di Reflection Band bou mando di Frenk Kock.

Ash Hirdaramani cu a demostra riba guitarra electrico tur loke e la siña di su idolo y mentor Carlos Santanan cu e anochi aki tabata un copia di e propio Santana.

E MC di e anochi aki tabata sr Ruben Garcia cu a presenta e anochi animando e sala cu su chistenan. E anochi a habri cu e bailarinanan di Lesbel Coco Rico dancers sigui cu presentacion di Reflection Band y despues cu e All Star Band cu musiconan local entre otro; Angelo kock, yui di e conocido Hilward Croes dfm, Ronwayne Kock, Gabriel Ras, Chencho Kelly, Robert Thijsen, Vio Wester, Henry Croes, Robert Dumfries, Frank Kock, Robert Jeandor, Ashok Hirdaramani y e cantante nan Giovanni Tromp, Marlon Willems y e unico dama Livette Tromp Richardson kende por a duna un presentacion di kita sombre y riba nivel halto cu a laga e publico presente encanta.

Musico nan cu cada uno riba nan instrument por a demostra con bon nan por a domina e instrument cu pikete.

Nos no por keda sin menciona Robert Thijsen cu a sacudi Cas di Cultura cu su talento riba drum y Robert Jeandor riba su bajo y Ash cu tabata parse e propio Carlos Santana riba su guitarra electronico. E anochi tabata fabuloso unda na final hasta publico a pidi pa otra otra y a complace e publico cu un ultimo presentacion.

Tur presente a goza y n'e mes momento a contribui na un bon causa cu lo wordo reparti pronto entre tres fundacion na Aruba cuanan ta: Bon Nochi Drumi Dushi, BOB Aruba y Cas Sjabururi.

Comision «Un Tributo na Carlos Santana» ta gradici tur e sponser nan y na tur cu a contribui di un of otro forma n'e anochi exitoso aki. Pueblo di Aruba en general masha masha danki.

